

PS Istok/PU Tuzla

09.01.2018 09:04

Dana 08.01.2018. godine u 15,55 sati policijski službenici PS Istok-PU Tuzla su u Tuzli u naselju Simin Han vršeci redovne poslove i zadatke uočili dvije muške osobe na motociklu marke „Kawasaki“ da su u navedenom naselju počinili saobraćajni prekršaj tako što su prošli kroz crveno svjetlo na semaforu na ulazu u grad iz pravca Kalesije. Policijski službenici su pokušali zaustaviti navedeni motocikl ali se isti nije zaustavljao, te je nastavio kretanje u pravcu grada Tuzle, da bi vozač motocikla pokušao skrenuti na raskrsnici puta u naselju Sjenjak, te je tom prilikom ostvario kontakt sa službenim vozilom policije usljed čega je došlo do pada motocikla na kolovoz. Brzom intervencijom policije lica su spriječena u pokušaju bijega, nakon čega su lišeni slobode. U navedenoj saobraćajnoj nezgodi nije bilo povrijeđenih lica, dok je nastupila manja materijalna šteta na motociklu. Izvršenim provjerama utvrđeno je da je motociklom upravljao A.H., rođen 1993. godine, dok se sa istim nalazio M.B., rođen 1998. godine, oba iz Kalesije. Daljnjim provjerama utvrđeno je da vozač motocikla nema položen vozački ispit A kategorije, te da za motocikl ne posjeduje odgovarajuću dokumentaciju. Potrebne mjere poduzeli su policijski službenici PS Istok - PU Tuzla.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>